

LÈ VELÂDZO. (VARIANTE)

acc. de Casimir Meister.

Andante.

Chant. *p*

Pa- - chin pê Pon - la - Ve - - la, Pê chti ga - lé ve - - lâ - dzo; Lyé

Piano. *p*

f *p* *mf*

yu na grô - cha te - na, To - ta plyê - na dè pa - tè. I fa - lyi lè vèr' pe - lâ,

p *f* *Refrain.*

Din chta te - na dè - fon - thâ! Chin nè pâ, é lon è lâ, Chin nè pâ di gâ - lè.

1. Pachin pê Pon-la-Vela,
Pê chti galé velâdzo,
Lyé yu na grôcha tena,
Tota plyêna dè patè.
Y falyi lè vèr pelâ,
Din chta tena dèfonthâ!

Refrain. Chin nè pâ è lon è lâ
Chin nè pâ di gâ°lè.

2. In pachin pê Trivô,
Pê chti galé velâdzo,
Ly'é oyu bramâ oun' âno
Oû dèri d'oun èthrâblyo,
Falyi l'intindre bramâ;
Chti pour' vilyo inchèrvalâ! *Ref.*

3. In pachin pê La-Rotse,
Pê chti galé velâdzo.
Ly'avé ouna mithrèta
Pindya chu mè-j-èpôlè.
Li in dé bin tan betâ,
Ke lè chèrhlyo ly'an choutâ.

4. Pachin pèr Hôtavela,
Pê chti galé velâdzo,
Oyeché bramâ on modzon
Ou fin fon d'oun èthrâblyo.
Falyi l'intindre bramâ,
Chti vilyo inbojalâ!

5. Pachin pê Velâvôlâ,
Pê chti galé velâdzo;
Ly'avi Dzojè ou kuriâ
K'rahlyâvè dou fremâdzo.
Ch'inbalyivè dè rahlyâ,
K'ne povi pâ mé chohlyâ.

6. In pachin pê Korbêre,
Pê chti galé velâdzo,
Vèyo on lorde korbé
Chû on pèrtè dè katyère.
Falyi l'intindre bramâ,
Chu chti pèrtè dèfonthâ!

7. Pachin prî dè Tsèrlin,
Dè chti galé velâdzo,
Bourlâvan dè la grèche,
Chuplyâvan di tsemijè.
I falyi lè vèr chuplyâ,
Chtou pantè to-t-inkuènâ!

8. To-t-in pachin pê Ria,
Pê chti galé velâdzo,
Ly'é oïu myounâ on tsa
Din ouna bouratyère.
Falyi l'intindre myounâ,
Pèrmi to chti bouratâ!

9. In pachin pê Vuèpin,
Pê chti galé velâdzo,
Ly'é oïu fèrmo rolyi
Chû on tsoudèron rulyi.
I falyè lè vèr' tapâ
Chu chti tsoudèron pèrhyi!

10. Pachin pê Gumeffin,
Pê chti galé velâdzo.
Ly'intindo bramâ on tsin,
Ou dèri dè la farvâdze.
Falyi l'intindre vuilâ,
Chti pouro tsin èthranlyâ!

11. In pachin pèr Âvri,
Pê chti galé velâdzo,
Ly'é oïu teri on kou
Ou dèchu dè Ruchilye.
Falyi lè vèrè teri,
Avui lou kanon dè bou!

12. Pachin to prî dè Pon,
Dè chti galé velâdzo,
Chu jou bin tan pouchâ,
D'on grô tropi dè lâo.
Falyi mè vèr inçhòvâ,
Dè chta binda d'afamâ!